



Ka jing bym ioh thiah ki khunlung ka ktah ym tang ia ki, hynrei wat ia ki kmie ki kpa kumjuh

Ka jingiothiah ka dei ka dawai bah kaba bha tam ka koit ka khiah ia ka jingim jong ngi ki brieve, khamtam ia ki khyllung-khynnah kiba dang dei ba kin heh kin san. Lada ki khyllung ki pang ne kim iohthiah ne ki khate ia ka por ioh thiah jong ki ka don ka jingktah ia ka koit ka khiah jong ki, bad kane ka jing khate ka por iohthiah ka ktah ruh kumjuh ia ka koit ka khiah na ka jingbym iohthiah jong ki kmie ki kpa jong ki lane ki nongri nongsumar jong ki. Kane ka long ka jingeh kaba khraw ia ki kmie-kpa, ki nongsumar namar ki hap ban shim jingbakhlieh ia la ki jong ki khun, ka jingbym iohthiah jong ki khun kiba dang lung dang rit kam ktah tang ia ka met, hynrei ia ka jingmut jingpyrkhat jong ki ruh kumjuh.

Kiba bun ki shem ba ka jingpynduna ia ka por thiah ka ktah ia ka koit ka khiah jong ki brieve. Ka pynlong ia ka met jong ki ban thait, tyrkhong lynter, ktha met ktha phad baroh kawei, ka jingbym iohthiah ki khun khamtam ha ka por ba ki pang ka ktah shibun ia ki kmie ki kpa jong ki namar ki sngewthuh ia la ki jong ki kamram ban hap ban pynbiang ia la ki jong ki kam ram jong ki khun. Ka jingbym iohthiah ka lah ban khate wat ruh ia ka jingim jong ki brieve. Kane ka jingbym iohthiah ka pynlong ia ki brieve ban ring tymmen kloih khlem dei por, khnang ban iada ia kum kine ki jingpang, ki kmie ki kpa ki dei ban shim khia ia ia la jong ki khun ki kti kan nym ialam kano jingktah jur ka jingpang bad kan ym wanrah ia ka jingklusai hynrei ka jingsuk hadien.

Ka long ruh ka bym dei, ba tang na ka daw ba ki khun kim iohthiah kin hap ban khate noh ia ka koit ka khiah jong ki kmie ki kpa, ong u doktor Harriet Hiscock, uba dei peit ia ka koit ka khiah jong ki khyllung-khynnah. Ka jingbym iohthiah jong ki khyllung-khynnah ruh ka lah ban dei ka jingpynmlien jong ki hi naduh ka por ba ki dang rit wat haduh ba kin da kham san ruh. Kane ka lah ban ktah shibun bha ia kamet jong ki wat ia ka koit ka khiah jong ki kmie ki kpa ruh. Khnang ban iada ia kum kine ki jinglong ki kmie ki kpa ki dei ban long kiba tip bad husiar bha shaphang la ki jong ki khun naduh ba ki dang rit ha ka rukom thiah rukom dem jong ki, ka bam ka dih bad kiwei kiwei pat ki jingdonkam jong ki khnang ba kan ym ktah ia ka koit ka khiah jong ki.

Ki nong wad bniah kishem ba palat ia ka 14 % ki khyllung rit ki pynshitom ia ki kmie ki kpa jong ki naduh ba ki dang rit wat haduh ba kin da heh da san ruh, da kaba ki pynkhate ia ka por iohthiah jong ki da kaba ki iam khamtam ha ka por shiteng miet. Ka jingiothiah ka long kaba kong san eh ia ka jingim jong ki brieve namar ki biang ka jingiothiah ka met jong ki kan long ruh kaba koit kaba khiah, ka sniehdoh bad kiwei pat ki bynta jong ka met kan long kiba khiah, kan pynlong ruh ia ki brieve ba kin im kham slem ha ka pyrthei namar ka met bad ka jing mut jingpyrkhat jong ki ka iaid beiti iaid ryntih ka pynlong ruh ia ki brieve ba kin dap da ka jingphuh jingphieng bad isamla kham slem.

Kular ka Ektaa ban ai khusnam 'Wheel of Fortune' sha u Rajpal kum ka jingkyrshan

Ka TV Czarina ka Ektaa Kapoor ka la kular ban ai ia ka pisa T. 1,66,000 ba la jop ha ka reality show "Wheel Of Fortune" sha u aktor Rajpal Yadav kum ka dak jingkyrshan ia u. Ka Ektaa ha ryngkat ka Wamiqa Gabbi bad u Rajpal, la iohi ha katei ka show ba la pyniaid da u Akshay Kumar ban pyniaid iew ia ka phlim thymmai jong ki ka "Bhooth Bangla" ban sa mih shen. Ha ka jingialehka, ka Ektaa ka la jied ban ai ia ka pisa ba la jop sha u Rajpal Yadav kum ka lad jingiarap.



Na ka bynta ki bym pat tip, une u aktor u la shah kynnoh ha ka Murli Projects Pvt Ltd halor ka jingbym lah siew bai lutksan kaba dei ka ram. Une u aktor u la ong ruh ha ka iingbishar, ba kawei pat ka liang kam kwah ia ka pisa kum ka jingsiew kylliang hynrei ki kwah ba un shah set phatok.

U la kynthoh ba ynda u la leit sha phatok, u la pyndep ia ka jingshah set phatok jong u, bad ka jingiatat baroh kawei ka dei ban kut noh mynta namar ba u la kohnguh katkum ka aiñ. U la pyntip ruh ba 22 klur tyngka la pynlut na ka bynta ka phlim jong u ba u la shim ram, ym 5 klur tyngka kumba la kam da kawei pat ka liang. U la ong ba u la mad ia ka jingduhnong kaba haduh T.17 klur.

U nongiasaid aiñ jong u Rajpal Yadav u la ong ba ki la ai jamin man ka por. Ia ka jamin shipor la ai da ka iingbishar. U Rajpal Yadav u la mad ia ka jingeh ha ka liang ka aiñ ha ka mukotduma halor ka jingpynphai biang ia ka cheque katkum ka Negotiable Instruments Act, 1881. Ka kashari ka la lap ba u donkti halor ka jingbym siew ia ka ram kaba wanlam ia ka jingiakajia ha ka liang ka pisa tyngka. Kum kine ki jingjia ki mih haba ki check ba la pynmih ki shah pynjah burom namar ka jingbym biang pisa, kaba ialam sha ka jingkitkhlieh bad jingpynshitom.

Haba kren shaphang ka phlim 'Bhooth Bangla', kane ka phlim ka dei kaba la shna da u Priyadarshan. Ka Balaji Motion Pictures, kaba dei ka bynta jong ka Balaji Telefilms Ltd, ha ka jingiatreilang bad ka Cape of Good Films, ka pyni ia ka phlim Bhooth Bangla kaba la ak da u Akshay Kumar, ka Wamiqa Gabbi, u Paresh Rawal, ka Tabu, u Rajpal Yadav, u Jisshu Sengupta, bad ka Mithila Palkar. Ia kane ka phlim la pyniaid da ka Priyadarshan bad la pynmih da u Akshay Kumar, u Shobha Kapoor, bad u Ektaaa R Kapoor.

Ia kane ka phlim ba la pyniaid da u Priyadarshan ha kaba la pynmih da ka Shobha Kapoor bad ka Balaji Telefilms jong ka Ektaa R Kapoor ha ryngkat ka jingiatreilang bad ka Production House jong u Akshay Kumar, ka Cape of Good Films. Ia kane ka phlim la pynmih lang da ka Faara Sheikh bad u Vedant Baali.

Ia ka khana jong ka phlim la thoh da u Akash A Kaushik bad ia ka screenplay la thoh da u Rohan Shankar, u Abilash Nair, bad u Priyadarshan. Ia ki jingiakren la thoh da u Rohan Shankar.

Ia kane ka phlim yn sa pyllait ha ki jaka peit phlim ha ka 10 tarik u iaiong mynta u snem.

Ka dei ka phlim kaba ar jong u Priyadarshan ha ka ktien Hindi horror comedy hadien ka Bhool Bhulaiyaa (2007), baroh ar ki nongak ba kongsan ki long - u Akshay Kumar, u Paresh Rawal, u Rajpal Yadav, u Asrani, bad u Manoj Joshi.



T. 1 klur pynlut ka model na Germany ban pynjrong rynieng bad ktah jingraikhoh

Ka Theresia Fischer ka dei ka Model kaba la paw bha na Germany ka la pynlut palat 1 klur tyngka ban pynjrong ia ka rynieng, la pynpait ia ka shyieng jong ka bad la buh da u nar ha kjat jong ka khnang ban lah ban pynjrong ka rynieng jong ka hynrei ka paw ba ka don hapdeng ka jingktah ka jingplung ka met ka phad bad runbg raikhoh hapdeng ka jingjrong ka rynieng lyngba ki buit sumar pynjrong rynieng. Ka Fischer aka ju khulai namar ka jingbym bym biang ka rynieng bym iahap bad ka dur jingbhabriew jong ka bad ka kwah ba kan kham jrong khyndiat na ka rynieng ba ju long lyngba ki buit jingsumar.



Ka la leit phah sumar ban pynjrong rynieng bad shipor ka don jingktah ia ka jingplung ka met bad ring raikhoh. Ki la don bun ki jingkyntoh ia katei ka jingleh jong ka fischer hynrei kam sngap satia ia kita ki jingkyntoh bad ka la iaaid shakhmat ban pynhun ia ka jingkwah jong ka. Ka Fischer ka dei ka Model kaba dang 31 snem ka rta bad ka ju paw bha ha ka Celebrity Big Brother Deutschland. Ka rynieng ka Fischer mynta ka la kiew sha ka 6 phut bad ka la ong ba ka kamai bha na kane ka jingleh jong ka bad mynta bad ka la ioh samla ruh.

Ka la pynsaphriang bun bah ki dur jong ka ha Social Media hadien ba ka la dep ban phah pynjrong ialade, ki don haduh 1.46 hajar ngut ki paralok jong ka ha ka Instagram, la ong ba ka Fischer ka la pynjrong ia ka rynieng jong ka sa 14 cm. Ki brieve ha ka internet ki la pynpaw ka jingbym sngewtynnad halor katei ka jingleh jong ka.

T. 5.14 klur shah daiñ kuna ka McDonald ba don eit khnai ha u jingbam Burger

Ka McDonald ha London ka la shah daiñ kuna T. 5.14 klur na ka daw ba uwei u brieve uba thied jingbam Burger u lap ba don eit khnai hapoh u jingbam bad u la ujur sha ki bor ba halor ban shimkhia bad pynshitom namar ka ktah ia ka koit ka khiah bad ka jingjanai ka rukom shakri shet jingbam.



Ia kane, ki bor kiba halor kiba la shimkhia mardor ki la leit ban jurip ia ka dukan jong ka McDonald bad ki lap ba ka jaka buh mar ka long kaba jakhlia bad ki lap ia ki eit khnai bad ki jingsma pyut ha ka kamra buh bam. Ki bor jurip ki lap ba kam don satia ka jingkhuid jingsuba. Hadien ka jingtian bishar ia ka jingujor bad ka jinglap ha ka jingleit jurip jong ka kynhun tohkit, la daiñ kuna T. 5.14 klur ia katei ka kompeni ba dei ban siew siew sha u nongujor.

Pynkylla u trai Restaurant sha ka kyrteng u brieve ba wan bam pylleng phon man la ka sngi

Ha kawei ka jaka bam paidbah lane restaurant ha Ireland ba la tip kum 'Grangecon Kitchen' u trai jong ka restaurant u la pynkylla kyrteng sha uwei u brieve uba la tymmen u 'John' uba ju wan bam man la ka sngi da ki bun bun snem da kaba pynsahjan ia u kum ka 'John Restruant'. Une u tymmen u ju wan bam man la ka sngi da ka pylleng phon bad ki jhur man la ka sngi da ki bun bun snem bad u trai ka resaturant u la sngewiahap bad shimrai ban pynkylla kyrteng pynsah nam ia ka restaurant jong u sha ka kyrteng uta u tymmen u "John Restaurant" bad kular ba u lah ban ioh bam ei khlem donkam jingsiew.



U Trai ka restaurant u la ong, nalar ka jingwanbam man la ka sngi u ju ai jingmut bad hikai ruh na bynta ka khuid jingsuba kaba janai ha baroh ki liang naduh ka rukom jingpynbiang ka bam ia ki nongwan bam ryngkat ka burom ka akor, lyngba kane ka jinghikai ka la khring bad kyntiew ia ka ioh ka kot khamtam eh ka burom ka akor kaba tam kaba la kyntiew nam shuh shuh.

U trai ka restaurant u la ong, kum ka jinghiar pateng ngi sngewnguh sngerwburom ia ki jingpyni jinghikai jong ju na bynta ka bam kaba khuid ryngkat ka akor kaba janai kaba la kyntiew nam bad khring haduh katta katta ia ki nongwanbam bad ngim ju shim dor ia ka bam jong u bad kiba ha iing hasem jong u, tangba ki nohsynniang monsgewbha dalade haba ki wan bam. U la ong, hadien ka sngi kaba bud ba la pynkylla kyrteng haba u wan bam u iohi ia ka jingkylla ka kyrteng jong ka restaurant bad kumjuh ha ka Menu ba ka don ka jait jingbam ha ka kyrteng jong u. U John u la kyndit thret ban iohi ia kane bad u la jaw ummat da ka jingburom bad jingkyntu shuh shuh.

Rong tuh ki runar haduh 200 jur ki juti ba shongdor T. 13 hajar dollar

Ha kawei na ki jingjia kaba phylla ba iadei bad ka kam tuh, ka la long kaei kaei kaba la wanrah ia ka jingseioh hynrei ka paw shai ba kam shym la dei kaba la da pyrkhath lypa. La don lai ngut ki nongtuh kiba la leit rung ha kawei ka dukan die juti kaba don ha phang pdeng jong ka nongbah Peruvian jong ka Huancayo, bad ki la tuh ia ki 200 tylli ki juti kiba la buh ban pyni ia ki nongthied, bad kine 200 tylli ki juti ba ki nongtuh ki la tuh ki dei ki jong ka kjat ka mon suda.



Kitei ki 200 tylli ki juti ki dei kiba shongdor palat T. 13,000 dolar - wat lada ka long kaba eh ia\ kitei ki nongtuh ba kin die ia kitei ki juti, kdew ki tyllong khubor ka BBC. Ka paw shai ba kitei ki nongtuh ki don hapdeng ka jingkyrkieh ha kaba kim shym la iohi kaei ki la tuh lane kaei ki mut ban tuh lane ngim lah ban tip ruh lehse kane ka dei ka jingthmu jong ki ban tuh ia ka juti ban phong tang ha ka kjat ka mon.

Ia katei ka jingjia ka la ioh ban ring lyngba ki CCTV ba la buh ha ka dukan, kdew ki tyllong khubor ka BBC, ha katei ka video la iohi ba kitei ki nongtuh ki la rung ha katei ka dukan kaba dang khang tala ha ka por mynmiet ha kaba ki la pyndonkam da ki cycle ba lai taïar ban kit ia ki synduk juti jong kiba bun ki kompeni juti.